

周易傳義考異

六

口仁18  
1594  
6

屬附學大田稻早	
館書圖	
寄第 一	
經書	
第 142 號	
第 6 卷	
出帶許不外館書此	





1594  
6

周易傳義考異卷之六

蹇

全卦大意蹇之為卦艮下坎上遇險而止故有蹇難  
之義卦爻自解而來九二上而居五故卦辭有利西  
南利見大人等辭大象則以二象取義

蹇利西南

胤按貞吉之義二象不同程子為大人之貞吉朱子  
為利見大人者之貞吉玩卦辭二句平說則本義為優  
胤按西南坤方東北艮方坤卦及說卦固有明文蹇  
卦坎上而言西南者坎本是坤由五之變而成坎固  
如程子之說然不言五本自何爻來也予認自解卦

乙



之九二而進往于五耳。凡卦爻皆反對二卦爻迭而  
言。亨向屢言之矣。如朱義則東北之為艮則可知。而  
西南之為坤則不可知。止言西南平易東北險阻。又  
卦自小過而來。尤難解也。且解者蹇之反也。其卦內  
卦為坎。故其辭亦曰解利西南。然則蹇之西南以坎  
中之變言可知矣。是明證也。大凡看此卦者須與解  
卦辭併看。

亂按本義中兩用險字其義有二意。所云見險而止  
之險字本于彖曰惕就坎之德而言。不宜走險之險  
字就艮之象而言。然易中言險皆指坎而言。則不可  
以艮稱險也。所云不利東北者。觀彖曰其道窮也。則  
不為艮山之險阻可知矣。程子題注云前有險陷後  
有峻阻。亦是以艮為峻阻亦不可從也。

亂按程傳卦辭注三言險字。止而險止于危險。止于險皆  
指艮而言。與彖所謂見險者指坎而言。異矣。夫艮固有山之象。山則  
多險阻。然彖觀卦從山曰止。水曰險。則其別亦不可  
亂也。所云西南東北者。就卦体往來各就方位而言  
尔。未必平易險阻之云也。

### 蹇利西南

亂按蹇坎上解坎下。而二五二陽爻互相往來。故俱  
曰利西南。蹇之九五自解之九二而往。解之九二自  
蹇之九五而來。觀二卦彖可見矣。  
蹇



朱語類云。蹇無坤體。只取坎中爻。本義何不以此說解耶。

卦變之圖本義本見

利見大人

亂按卦辭貞吉。傳義俱以自二以上五爻皆得正而言。然彖曰當位貞吉以正邦也。則貞吉當就九五一爻而言。大抵此卦九五為主。方蹇之時。利溥其君以成功也。乙巳十二月廿一日 灯下

六二

亂按程子王之與臣俱蹇。于蹇朱子為王之臣蹇。而又蹇六二是臣人之位。不可夾帶王也。本義可從也。

六四往蹇

亂按六四與六二九三俱有得位之正。而四與三相。比初六。全不正。而與六二同陰相比。則四爻相附而四為之首。程傳兼此數義。以解來連之義也。本義只就九三一爻與四相連而說。秘象則覺程傳之可從也。丁酉十月

九五大蹇

亂按朋來程傳就二五相心上說。指六二為朋也。六二陰柔。故不言吉。朱義只解人之親附。不必取二想。朋是同類。雖必存一人也。丁酉十月廿九日



解

全卦大意解之名卦專以坎下震上卦從動而出險而取解難之義卦辭則以蹇之九五來居二而曰利西南也大象則以二象言雷雨解散之義

完句

亂按蹇上体有坎解下体有坎故俱云利西南皆以坤之中爻變言耳。按解而言則曰來復吉以九二爻而言故彖曰解利西南從得衷也其來復吉乃得中也。按蹇而言則曰利西南利見大人以九五爻而言也故彖曰蹇利西南從得中也利見大人從有功也。九往者自下而上來者自上而下自解而往則蹇之九五自蹇而來則解之九二皆坎之中爻也故俱曰



利西南

卦變之圖具傳本

胤按西南為坤說卦既有明文而解之內蹇之外俱有攻是坤之中爻變也程傳不可移易皆本義既有二爻相變之說不取程易自乾坤變之說故其解蹇卦但云利西南平易耳而至此卦曰三往居四入於坤體尤屬牽掣且解卦有坤體則西南之義可解至於蹇卦則從本義說則無坤體之可言此尤所不曉且此卦變為升則固三往居四有坤體之可言自升而來則四未居三何所見坤體也哉蓋本義卦變說至此窒礙欲強說西南之為坤故不免牽強

又曰姑從本義說則解之利西南固有坤體之可說至蹇之西南則本義亦不言坤體夫同一西南也在解則說坤而蹇則不可說豈有此理哉若從程說則彼此相通不待多辨

解利西南

胤按解利西南自解之二而往蹇之五也故云往得衆也若自蹇之五而來復入解則為九二故云其來復吉乃得中也

天地解

胤按彖每卦從卦體為說或取卦變其言卦象者亦取男女之象唯坤象人睽及此卦就二象取義



易之取義唯其所通此亦可見矣且此取象與諸卦不同不直解卦辭而推言取二象此六十四卦之所无也私句

胤按彖曰天地解而雷雨作象則曰雷雨作解其旨不同程傳天地解散而成雷雨則按彖而言也雷雨作解當做雷雨作而物之鬱結解散之義乙巳十二月廿一日

損

**全卦大意** 損益二卦相對立各皆取卦體為義非相往來也此卦內卦上畫陰而外卦上畫陽之為益陰為損故彖云損下益上此所以名損也卦辭曰說儉損之義言文質損益隨時消息之道也大象曰二象言懲窒之義其別自可見矣癸卯

胤按損下益上程傳兼具四意然與益卦所說損上益下對看則此卦亦取六三上九之變一說可多至山下有沢則未必有損下益上之意此大象之所取義非命卦之本義也

彖曰損下益上



亂按損下益上傳義共言利民奉上之義故為損也此批益之彖所云益損上益下而言也竊意不然也益彖曰益損上益下民說無彊則自儉利民之意今此卦曰損下益上其道上行則不可解利民自厚之義也蓋易尚變易其辭無定例其語勢相類而其取義不可一樣其曰損下益上者亦言進儉損之道非損基本以為高之謂也

象曰山下有沢損

亂按山下有沢損程朱無甚異義程傳甚覺牽強且損下云者就成卦言耳大象無其說或牽損益二卦大象問朱子曰白伊川將來相牽合說某不曉看

○填

來人自有迂善時節自有改過時節不必只是一件事某看柔只是懲忿如摧山窒慾如經迂善如風之迅改過如雷之烈此亦勝於傳義之說大抵大象之取義只取二象推之君子身上說不必緊說卦之名義程子必合說卦名卦象故不免有牽扯補湊之弊若以窒慾為損則改過亦不可為損也哉若以改過為益則懲忿亦不可為益也哉故就二象取義而畧帶卦義而說可矣又詳于下卦

初九已事遄往

亂按已事遄往程子之意功成名遂而身退之義范彖張良以之朱子之意公耳忘私國耳忘家之義如

○當



禹之治水不入其門是也然初事之始非成功之地且象曰尚合志也則當從本義也

六三三人行則損一人

胤按三人行則損一人程傳誤上三陰下三陽之中各損一人也本義則只就下三陽而言予誤損云者損陽而變陰之誤象之所誤損下益上也此義難以免費詞况此象於六三而言可見三人云者共下二陽而其所損者即是六三本爻不可併上六而說當從本義

胤按一人行則得其友程傳亦兼取初与二四与五

俱

同從相比三与上陰陽相應而言本義則只就三上相應而言此亦當從本義何者一陰一陽對待以生故象曰得其友系詞衍其義云男女媾精万物化生可見所認得其友者指六三之陰与上九之陽相應也若夫初与二四与五俱陽陰不可取天地男女之象也且通全卦觀之則固如程傳之所云然大易必于六三系之詞則其就本爻言益明矣

象曰一人行

胤按爻有二句象曰何以特牽下一句耶三人行損一人只是言六三之自陽而變陰耳未及生之義也至一人行則得其友始見陰陽對待二則生三則



亂也。所臣舉一人行一句也。三則之三不可与交辭。三人行之三字混着。

六五或益之

亂按六五爻詞程傳益之朋之兩之字下各句絕言益之則十朋助之。龜策不能違言天人叶應也。本義則或益之十朋之龜七字作一句言益之以十朋之室龜也。則是以十朋為龜之數亦以龜為室器耳。咎与程子異矣。予謂十朋之龜固一串字面固難以十朋之絕句為眾人相助之意。然觀其曰不能違則是分明龜卜之事不可解為辭贈之意。洪範云龜筮共違干人是已然。則以龜為龜策則當從程子以十朋

為龜則當從朱子正義以十朋之龜不克違為一句。尤是。

尔

按蒙引本義兩龜為朋當作兩貝為朋。蓋誤也。今大全作兩龜。古易古板本義作兩龜。竟不可曉。又云兩貝為朋者。貝為甲虫也。古者以貝為貨。朋直二百一十六。龜十朋直二千一百六十也。龜室物也。十朋之龜大室也。本義或以此益之。此即十朋之龜也。蓋從象上說明其為益之大耳。而非所謂大室曰位之意也。

胤按字書漢志注兩貝為朋。詩注兩尊曰朋。未嘗言兩龜為朋也。當從蒙引說作兩貝。十朋之龜猶云萬



益之玉言龜直十朋耳古注併十朋引爾雅十龜未  
的

上九弗損益之

胤按弗損益之程子意不損於下而益之朱子意不  
損於已而益人竊按損者損陽之說九二既曰弗損  
益之此不自損之事則上九之弗損亦是不自損其  
陽之義當從本義得臣无家二說相近

益

全卦大意 此卦与損卦互見外卦下畫陰而內卦下  
畫陽故彖曰益損上益下此所以名益也二五俱中  
正巽之象為木二卦之從動而巽曰係之詞也大象  
又因二象言迁善改過之義程傳以大象為正說而  
以彖為旁說朱義自明矣 癸卯

利涉大川

胤按木道乃行程子改作益字朱子不從語數云渙  
卦說乘木有功中字說乘木舟震以此見得只是木  
字又云巽為木是卦中取象震為木乃東方屬木五  
行之木也五行取四維故也程傳所引或說未詳其



人朱義適于此同予謂巽之為木象易中明言之震  
之為木以後天之卦位強配五行耳彖象無其說而  
渙中孚二卦其上體皆巽卦辭俱云利涉大川彖皆  
以木叙之適于此處符合故此卦當以巽體辭之而  
不可并說震也易中言利涉大川者多矣而有巽體  
處乃說木蓋言舟楫之利耳本義意亦如此唯言震  
為不可耳

### 天施地生

渙按諸爻彖多初說卦從而推至天地聖人上此卦  
言天施地生亦是言天地之益耳本義云乾下施坤  
上生亦上文卦體之義不必拘也

### 象曰風雷益

渙按風雷益傳義皆云風雷二物其勢相益然大風  
之時未必有甚雷而甚雷之時亦未必有疾風大象  
之取義恐不如是之踈也但語類中有一說云遷善  
如風之速改過如雷之極有二條此說却可從也大  
於本義之成不如集註章句之屢經改定故多未定  
之見語類中或言及之以等說亦可補本義之說

### 六二或益之

渙按六二或益之傳義異同與損九五同或益之程  
引說受衆人之益朱子謂在益下之時故受上之  
益此象曰或益之自外來也則本義寬優損之六五



曰六五元吉，自上祐也。併考其例，則象分明。言受上之益，予謂當主九五而言。己酉十二月，亂按或益之十朋之筮，不能違損之六五，亦言之。損益二卦互相往來，損之六五即益之六二，故二卦俱言之。下夬始俱云，聲無庸亦同。曰上私白。

夬

全卦大意夬之為卦，以五陽進決一陰，立名且系之。辭也。大象曰二象，言施祿及下之義。程傳先象而後象，並為兩義。癸卯六月。

亂按孚號惕号，程子音去聲，作號令之事。朱子如字，為号呼之義。語類云夬卦中號字，皆當作号，盖反。唯孚号古来作去聲，看来亦只當作平聲。

告自邑

有 亂按利攸往，程子意君子之道未至，宜進而往。朱子意如此，則利有攸往，以諸卦例推之本義可從也。

象曰：泥上於天，夬。



亂按居從則忌王弼作明法禁之義程子作約防之  
義本義闕疑子說六十四卦大象或正而取之或反  
而言之如乾之法天行而自強不息坤之法地勢而  
厚德載物皆正而言之諸卦皆然如訟之天水違行  
而作事謀始象人之風自火出而言有物而行有恒  
此反其象而取戒者也夬之大象兼此二者況決於  
天則注澆於下君子恃其象而施恩祿以及下此正  
取其象者也若夫修己身則檢束防禁使無壞決居  
從猶居業之居忌說忌諱蓋言居從則忌其決溢也  
此反而言者也正反兼舉六十四卦中自為一例丙  
午正月十七日

按程傳說夬之象自具二意以施祿及下為決于上而  
注于下之象則夬是惠下之道自為美事又曰有防  
禁則無潰散則夬是离散決潰之事二意混合不明

九三壯于頄

亂按壯于頄程子為在上而未極于上之象朱子為  
陽剛當決剛壯見于面目之義程子說覺不的切以  
初九壯于前趾例之則當從朱義也君子夫、傳義  
俱為果決其決然以乾、蹇、謙、坎、等語例之  
則只是言決之甚耳程傳以此句移于獨行遇雨之  
下然若濡字兼遇雨字來則當如旧不改矣若濡有  
愠程子為已之愠朱子為諸陽之愠以無咎觀之則



為他人之愠為長。如愠于群小之愠而不可做人，不知不愠之愠也。

此章大意認九三在夫之時，陽剛不中在下之上，欲決小人而壯見於面，固凶之道也。然君子夫之道不可已止，必有其道。

九四臀无膚

亂按：羣羊悔亡，程傳意羊者群行之物，指諸陽九四剛決不足，故欲其自強，羣挽以從群也。本義則認九四不中不正，宜自恬退，故如羣羊者之隨後而進，不與諸陽並進而甘居其後，則可悔亡也。傳主其進義，主其退，只傳意稍涉羣，不如本義之易解也。

亂按：覓陸本義只取其感陰氣之多耳。程傳以其柔脆易折，兼取決漸之易也。王弼云：覓陸草之柔脆者也。決之至易，故曰夫也。程子說蓋本於此。

亂按：覓陸之象，朱子只取感陰之多。程子兼取脆而易折而寓決漸之易。夫二字，程傳屬上，朱子屬下。夫：中行言決之不暴而合于中行也。

明張綸林泉隨筆云：夫卦覓陸夫，朱子覓馬齒覓陸高陸也。一名羣陸，程傳誤以為一物，本義亦欠添。

改說象二段私句



姤

全卦大意姤之為卦以一陰遇五陽取姤遇之義名卦且系之詞也彖曰推言相遇之道大象則曰二象取命令周遍之義程子先大象而次彖者不當也本義得之 癸卯六月

姤女壯

胤按女壯程子以為一陰始生漸將壯大朱子以為一陰而敵五陽陰之壯

彖曰姤遇也

胤按柔遇剛也程子以為陰與陽遇也朱子以為陽與陰遇也本義云一陰而遇五陽則似亦為陰遇陽



也然此自解卦辭女壯句耳其曰卒然值之如不期而遇則此解卦名義陽遇陰也然彖所謂柔遇剛者分明解卦名義為陰遇陽也則此從程子也朱子牢執以卦配月之說故不免過就

### 剛遇中正

胤按剛遇中正程子取二五之相遇也朱子以九二之非正而特就九五一爻說其位從之相遇也九二固非正也然此等處當活看上說天地之相遇此說君臣之相遇故曰天下大行也當從程子說或說剛中之臣遇九五中正之君亦無此疑

### 姤之時義

胤按姤之時義程傳贊遇道之大也本義謹一陰方生之漸也此說當從程子諸卦中如復臨或說月然不每卦必如此也姤之名卦以陰遇陽也彖解其義畢而推之于天地君臣上贊其相遇之利益結之云姤之時義大矣哉正是兼上文數節也朱子必欲以卦配月之說處說著故至此亦云然不与上文相接不可從也語類云上面說天地相遇至天下大行也正是好時節而不好之漸已生於微故當謹於此此說亦不明

### 象曰天下有風姤

按大象稱君子者五十三稱先王者七稱后者二稱



大人稱上者各一稱上者對下之辭厚下安宅是也  
程傳不舉稱上之例蓋與大人君子相通不及特發  
九也

初六繫于金柅

亂按繫于金柅之吉有攸往之凶程傳皆批陽而言  
故云固止使不得行則陽剝真正之道吉也云云本  
義則批陰而言故云靜正則吉往進則凶程子之意  
蓋謂易為君子謀而不為小人謀故此爻專就君子  
上寓戒然陽善陰惡各有其兆陽有處陽之戒陰則  
有處陰之陰之戒初六既是陰爻唯當從本義也已  
酉十二月廿四日夕

九二包有魚

亂按不利賓程子意包苴之莫儉薄不能遍及衆賓  
也朱子意直為不利使遇衆之義不與包莫相類然  
程傳云遇道當專一二則雜矣則亦與李義意相近  
九三臀无膚

無  
亂按殿月唐其行次且夬之九四亦言之蓋夬與姤  
相變番轉則只是一卦夬之九四即姤之九三皆介  
乎二陽之間故同其辭

九五以杞包瓜

王弼曰杞之為物生於肥地者也包瓜為物繫而不  
食者也。正義曰先儒說杞亦有不同馬云杞大木



也左傳云杞梓皮革自楚徃則為杞梓之杞子夏傳曰作杞匏瓜薛虞記云杞、柳也杞性柔且宜屈撓似匏瓜又為杞柳之杞案王氏云生於肥地蓋以杞為今之枸杞也。○胤按傳云杞高木而葉大莪高大堅實之木蓋從馬融之說為杞梓之杞也。圖下私句胤按以杞包瓜程子為人君下賢之義朱子認九五之陽防初六始生之微陰蓋朱子牢主張以卦配月之說故解此文亦必取陰陽相勝之義然始之為姤邂逅之義而五爻皆說遇道為陽遇陰之義也且九二九四二爻說包字皆為相遇之事况象之所演者亦未必陰陽相勝之義也則此文當斷從程子也

上九始其角

胤按始其角傳義不異但程子說無咎為無所歸咎也朱子不注無咎之義然云象占与九三類則是直無咎耳蒙引云既無所遇則無陰邪之傷故雖吝而無咎此可補本義之說



革

全卦大意革之為卦以坤順兌說九五剛中而應各卦且系之辭也。大象曰二象說儆備之道。程傳專以大象為各卦之本義而不用彖說本義兼存彖象二說詳弁于下。癸卯

胤按革之得各以卦從卦體也。其云沃上於地者大象之說而非卦之正義也。程傳每兼舉彖象之說而解卦而今特拋象為斷而不取彖之說尤不可也。遺書云八卦已相交了及重卦只取二象相交為義。程子蓋以大象為各卦之主但當主彖解也。

卦

利見大人



子蓋以大象為名卦之主但當主彖解卦也

利見大人

亂按利見大人專就二五相遇上而言二五俱得其正此以正相聚也故曰利見大人言六二利見九五大人也易中多有明例彖文亦可証傳義何以不取此義乎傳義俱云人聚則必得大人以治之不有所指只以卦義而恐不然也 丙午正月十七日

用大牲吉

亂按本義解卦每專執彖為說而不雜大象之說今以順說剝中之不足書卦義而兼取大象之說者非矣此處亦當與諸卦一例只以彖解而不可入大象

之說也

六二引吉

亂按萃與升相變故孚乃利用禴升之九二亦言之陰陽互異而俱在內卦之中故同其錄 己酉十二月按程傳云相待則處待一本作持幸從持是相持不下意故處也善作待則意義不通 程傳云而相遠蓋二五之相遠諸卦皆然今云然者萃以相比聚為義也

上六齋咨涕洟

亂按程傳咨涕洟又將誰咎專為凶兆本義齋咨涕洟而後可無咎為自責之詞 丙午二月十四日午

齋



升

全卦大意升之為卦其變自萃而來萃之內坤升而居上故彖曰柔以時升此所以名升也而卦從巽而順九二剛中而應五柔之辭也大象則就兩象堯積小高大之義程傳解卦只取大象為說而不幸彖文者何哉亦如萃卦之辭也癸卯六月改定

彖曰柔以時升

胤按柔以時升程子就坤之在上體而言朱子認解之六三變而升居四也朱子卦變予既詳弁于前矣此處亦當從程說然程子亦不言其自何處而上耳予特意萃之內坤今升而居上體所以名卦曰升也



此又二卦反對中自相往來耳

初六允升

亂按允升程傳云信九二之剛而同升朱義云巽於九二九三之二陽則信能升按象曰上合志也則覺程傳為長 丙午二月

象曰九二之孚

亂按程傳論有喜有慶之異義尤不可從大凡象象皆坤韻大畜卦六四言有喜也與志字叶六五言有慶也與行字叶此卦云有喜者亦與上志字及疑字叶非有異義也

六四王用亨于

亂按王用亨程子以為王業亨通覺其說不明瑩朱子於隨卦引左傳作亨馬鄭陸王固音許兩反則其說尤可從也

陸征明敘文用亨許庚反通也馬鄭陸王肅許兩反馬云祭也鄭云獻也

朱子語類云古文無亨字所認亨字只是通用又曰亨于岐山與亨于西山只是說祭山川想不到得如伊川說

六五貞吉

亂按升階程子認指九二之應任賢而升猶升之自階也朱子只認言升之易不取相應之義己酉十二月



按 上六真升

易之為道，猶詩之妙，在者者如何耳。故王應麟以為詩易春秋，其理不殊。所謂真升者，猶後世之學者，以持敬窮理之工夫，造聖域，亦此類耳。○未見好色，如好色者，其意味相類。

和口

原本紙數念八丁，今為北一丁云

壬寅夏五月十三日官畢，然夜三更校畢

佐々木小庵寬公紳謹記

卷之六終



